

# Lettera à Nicoli

Eramu in lu quaranta trè  
U focu era universale  
Arriti s'eranu tant'omi  
Daret'à la fiamma nustrale  
Rispundendu à la to chjama  
Cù lu fronte naziunale.

Tutt'ognunu s'era addunitu  
Contru à quel'indegnu macellu  
Più di un giuvanottu arditu  
E donne, i vecchji è li zitelli  
Sottu à la bandera libera  
Quella di li corsi ribelli.

Di a libertà di u mondu  
Ne fusti un bellu suldatu  
Contr'à e milizie fasciste  
S'hè spentu fieru lu to fiatu  
Quand'una matina d'aostu  
Tù morsi degnu è rivultatu.

Da e cime, à e valle, à a piane  
Chjuccavanu tante ciccone  
A rivoltà fù pruclamata  
Intornu à lu vecchju fucone  
E in un frombu di fucile  
Fù salvata a vecchja nazione.

E quand'eo vegu l'inghjustizia  
Cum'elli a ci volenu impone  
Quantu mi pare sempre viva  
Quella lettera testimone  
Chè tu ci hai lasciatu un ghjornu  
In lu fondu di a to prigione.

Oghje u to populu hè sempre in lotta

Per una causa universale  
Hè sempre rittu u to figliolu  
Rossa hè la fiama nustrale  
Chi u schiarisce a strada nova  
Di u Fronte Naziunale.  
Chi u schiarisce a strada nova  
Di u Fronte Naziunale.

*Ghjuvanpaulu Poletti \ Dumenicu Gallet  
Canta u populu corsu*